



**JUDICIAL SYSTEM MONITORING PROGRAMME**  
**PROGRAMA DE MONITORIZASAUN DO SISTEMA JUDICIAL**

---

**Komunikadu imprensa**

**Edisaun jullu 2010**

**Tribunal Distrital Baucau Hala`o Julgamentu Ba Kazu Ameasa**

Iha loron 1 fulan Jullu 2010, Tribunal Distrital Baucau liu husi juiz koleтиву hala`o audensia julgamentu ba kazu ameasa. Kazu ne'e ho Nu. Prosesu **154/CRM.C/2009/TD. Bcu** ne'ebé mak komete husi arguidu EDS hasoru vitima ADJ. Entre arguidu ho lezada iha relasaun familia-tian ho subriñu. Kazu refere akontese iha bairo Acaloho, sub distritu Lospalos, Distritu Lautem.

Director JSMP Luis de Oliveira Sampaio hateten katak "***Ameasa ho meu saida deit to'o halo ema seluk tauk no la hakmatek ne'e hanesan krime ida tambá prejudika ema nia liberdade, tambá ne'e husu ba tribunal atu bele hamonu pena ne'ebé mak merese no realistiku ba hahalok ne'ebé mak arguidu komete***".

Bazea ba deklarasaun husi lezada katak iha loron 8/07/2008, tuku 09.30 kalan, arguidu ne'ebé mak hanesan mos lezada nia subriñu, toba iha lezada nia uma. Tambá arguidu hare lezada baku arguidu nia alin ne'ebé mak hela mos ho lezada, tanba ne'e, arguidu hirus hodi ameasa vitima atu oho no sunu nia uma. Tambá tauk ho ameasa ne'e, lezada ba hato'o keixa iha polisia no iha kalan ne'e kedas, Polisia ba lori arguidu ba estasaun polisia atu submete ba prosesu investigasaun. Lezada mos haktuir katak arguidu bebeik ona ameasa lezada no ho hahalok ida ne'e lezada sente tauk no trauma kuandu hetan arguidu.

Ho hahalok ne'ebé mak arguidu komete, Ministériu Públiku iha alegasaun final alega arguidu ho artigu 157 Kódigu Penál aplikavel kona ba ameasa.

Prosesu julgamentu ba kazu refere derije husi juiz koleтиву ho kompozisaun juiz mak hanesan Dra. Edite Palmira, Dr. Afonso Carmona no Dr. Diogo Ravaró. Husi Ministeriu Públiku representa husi Dr. Jose Ximenes no Defensoria Públiku mak Dr. Sergio Quintas.

JSMP mos nota katak prosesu julgamentu ida ne'e kleur uituan tambá arguidu, no testemuña ne'ebé mak hato'o deklarasaun iha tribunal tenke hetan ajuda husi tradutor tambá ladun kompriende lian Tetum ne'ebé mak uza iha tribunal.

Tuir orariu ne'ebé mak determina husi Juiz katak kazu refere sei kontinua hala'o julgamentu atu rona desizaun iha loron 08/07/2010 iha oras 09.30 dader.

Atu hetan informasaun klean, favor kontaktu:

Luis de Oliveria Sampaio

Director Ezekutivu JSMP

Email: [luis@jsmp.minihub.org](mailto:luis@jsmp.minihub.org)

Landline: +670 3323883